

楚晉京集



楚香亭集卷五

合肥許夢麒仁長撰

梅花八首

繞屋遍開三十樹
恰當窗外兩三枝
光凝雪艷寒先發
香裊風清暖乍吹
幽意幾曾鶯蝶戀
貞心惟有竹松知
自從水部無消息
官閣何人再賦詩
閒倚危樓看幾番
孤芳相對掩蓬門
花寒似我心常斂
樹老如人髮盡髡
丹粉不施多古意
塵埃難浣是靈根
拍浮月照題詩處
籬外清光露半痕
瑤瑤一色占芳叢
不與凡花體格同
斂萼美人披



半臂橫枝高士曳孤筇柴扉竹屋還誰問絕壁層
崖有路通明日尋詩驢背上錦囊也付小奚童
無論隴畔與江濤殘臘新花發故林雀啁暗香寒
結舌人腴清味澹盟心東風緩著猶能待朔雪嚴
催不畏侵驛使路遙羗管歇爲君惆悵立垣陰
徑菊庭蘭俱杳然孤山芳信蚤春傳癯同鶴子蟠
根健老比龍孫抱節堅草閣較勝官閣貴南枝應
占北枝先廣平去後誰知己合把風騷讓昔賢
仙踪縹緲水雲鄉掩映林風壓粉牆細朶不勝簷
外好一枝如許石邊長清將玉比渾無價冷作冰

看却有香羞煞山邨野桃杏只隨紅紫鬪芬芳
一團煙月雪光涵得暖尤宜正向南吉卜林妻奚
待七盟聯曾友不徒三竒香那用溥丹露孤艷惟
將映碧潭最是畫工難入畫半欹半倚半舒含
鏡石心腸冰玉容更兼道骨與仙風雪晴夜靜羅
浮白花落春酣庾嶺紅著眼便須終日看開懷寧
得幾人同他時若問和羹事好味俱含瘦影中

再詠四首

幽軒忽報數枝開管領春光次第來不忌萬花俱
讓後無爭一歲獨掄魁黃鸝紫燕何曾見越蜨吳

蜂未許猜如此清高如此瘦蒼髯古榦立莓苔
昔年買棹古杭州歷歷西湖得縱遊花影參差雙
岬合波光潋灩一林浮賞心欲寫春無限載酒貪
看興不休若向此間謀小築肯容和靖擅風流
紛披低亞玉闌干一種清香撲鼻端老不厭鰥林
有嬾寒偏近傲孟無官莫令俗子風前折好伴幽
人雪裏看誰說花叢多行輩野棠園杏並有難
東君一夜變春溫夢繞羅浮山下邛猿嘯雲岩悲
樹色鶻啼月嶺泣花魂松篁合與高人伍草木羣
推處士尊莫遣漁郎來問渡此中疑是武陵源

和戚緘子無悶園雜詠

移竹

最喜扶疎拂曉雲移來蒼玉映斜曛從今坐對青
癯子也似坡仙稱墨君

種蕉

風搖翠扇影斜欹界紙抽書更一奇安得當窓千
百本日供揮灑作烏絲

鈔書

日影描窓睡起初陳編細撥樂何如塗鴉莫漫輕
相誚小字蠅頭儘可書

洗硯

潤腹先生是久要詞場飲社不相拋平生癖嗜丹
砂末滌聚濃香吸一坳

聞笛

月下何人弄篴歸聲聲啾咋醒詩脾世間那有通
靈妙莫是當年奴顧兒

翦梅

只解尊爲花御史花中巢許有誰知刪除爛熳隨
寒煖那問南枝與北枝

灌菊

覓得陶翁數本栽東籬風味一何佳井華日日資
澆灌不用奚兒自跋鞵

掃葉

鴨脚籬邊別葉頻龜頭屋下積如薪儘堪拾取黔
蛙突爲語樵青甑不塵

烹泉

玉川桑苧罕同聲靈液仙芝只自烹歛鉢風爐簾
外好羞伊牆角景山鐺

留燕

蝸舍營巢日日忙啣泥時帶百花香雛成便欲辭

歸去未必人家盡畫梁

讀槐邨岷源閣詩集却贈

深慚小技是雕蟲可許參苓貯藥籠蛙鼓最嫌鳴
草澤雞壇全仗闢荆榛和陶豈獨如坡老稱杜洵
堪繼放翁曹洞幽禪三昧得能叅活句幾人同

書壁

環坐牙籤取次看勝於垢服乞閒官是中生活能
簾了就裏推敲未易安鬢已有絲難染黑顏將何
藥可回丹但期南畝霑膏澤足放終年意興寬

生日偶成

五十餘年去路寬刹那間事慨雙丸齒非敗屐應
強陸鬢已成絲豈讓潘容易有詩歌竹隱等閒無
夢入槐安也知不免啣杯勺未飲先教兩頰丹放翁

有齒如敗屐
已成絲句

浮生生怕說懸弧謝客渾同避世居竹葉翠含苔
蘚密榴花紅映薜蘿疎灰心驥尾康莊展得意蠅
頭小字書稍待他年畢昏嫁終期山澤耦樵漁

喜晤劉雲芝同學

高枕虛簷握髮遲驚傳好友賁茆茨多年一別違
顏色驀地重來感鬢絲縱酒酣歌寧再得竹風梧

月輒相思寒庖未易供雞黍小飴魚羹覺可嗤
浪擲浮生五十年誰堪落拓轉脩然修門幾失紅
塵足敝篋猶存白雪篇腸澀似泥蟠曲蚓力微如
葉抱寒蟬腰鑣自刈蓬蒿徑也算歸休作散仙

與雲芝茗話

屈指還家已四春詩歌鼓裏寄閒身疎狂不減當年態
笑語都非舊日人眼下困緣生計拙看端愁
是老來貧纔依鮑子杯重把莫唱陽關一愴神

送雲芝入秦中

一規紅日烈如焚薤簟方鋪袂又分近見才人甘

入幕古來豪士樂從軍雞聲唱墮潼關月馬首晴
飛華嶽雲料想此遊真得計錦囊珠玉自紛紛

贈沈竹山納姬

捫蝨莽中石曼卿仙姝初降許飛瓊懸知紅蠟光
搖候定聳唵肩賦定情

鰕鬚簾外月如弦末麗香來薦枕邊十二良宵湏
記憶莫令辜負孟光賢

風雪茶煙晝掩扉可兒相向吐珠璣清寒自是能

消得但恐憐生減帶圍

竹山詩但於風雪茶煙外耐得清寒是可兒

綵毫寫罷付紅顏楊柳腰支似小蠻他日官階登

太傅風流重見白香山

蜻蜓

白宿原名爾桑根亦是渠尋花偏讓蝶點水不驚
魚飄忽隨來去低昂任疾徐社公雖巧伺却幸網
常疎

又南書齋琴瓢

貞松堂下激泥塊工倂磨埴知何代約略桐君幾
許長雕鏤歷碌呈龜貝空洞無物至虛靈太古之
音藏其內屢觸吾眼扣有聲鏗鏗入耳心珠快憶
昔柏梁承露槃魏我漢殿銅仙載老瞞銅爵瓦尤

精焜煌鄴宮貯粉黛自從劫火遭變遷都成灰燼
今安在此孰完好非尋常古色斑媠真瓌怪胡弗
移向嶧陽岑應有沈瑟人寶愛

和金式齋明府二首

繡戶僧鞦菊

玉簫吹罷冷朱唇愛與寒香結淨因似欲敲門閒
竚月恍疑響屣暗留春纖莖有意纏遊脚寸草無
心識幻身雲水消搖寄蹤跡芳閨信步不霑塵

僧房美人蕉

維摩丈室絕縑塵如意瓶中現伎人不二法門猶

是幻大千世界孰爲真曇花細結金剛子貝葉潛
藏天女身何獨露葵朝可折齋蔬清供老僧貧

再和禪院美人蕉

不是天桃賤阮郎臨風綽約綠羅裳花冠豔綴珊
瑚葢翠袖寒支薜荔牆一苑碧天人影澹半彎紅
玉珮聲長塵心欲出層層劫故向珠宮禮法王
和知津堂麗人六影

鏡中

睡起臨粧拭綺羅銀華開匣正新磨五湖秋水涵
西子一掬蟾宮貯月娥笑面乍親如並蒂凝眸相

對互橫波仙蹤不蹋紅塵世擬向桃花洞口過

簾內

雲裾搖曳但模糊就裏芳容儼畫圖巫峽澹煙收
暮雨楚江清淚落蒼梧潛身不識家爲趙隅面誰
知姓是盧金屋無人猶避客莫教鸚鵡近前呼

月下

香亭宛轉湧冰輪疑是闌干倚太真團扇光搖瑤
玉珮疎櫺寒浸水精人裴徊小院移微步竚立空
階藉軟塵宮漏遲遲歸去後荷裳猶帶露華新

燈前

漏轉銅龍夜寂寥一檠紅燭尚高燒粧添臺畔翳
長袖珮解帷邊怯細腰斗室乍看時徙倚紙窓斜
映益妖嬈丹青借得王維筆好把離魂倩女描

花間

生成逸韻自翩翩挈伴芳叢劇可憐日射香裾迷
蛺蝶風搖羅袖曳鞦韆清陰曲轉剛隨後小步私
移却近前體弱不勝攀折力柳絲扶上藥欄邊

池上

一泓淺碧映沙明雒浦人從柳岍行綺縠翠牽芳
藻細花鈿紅綴綠蘋輕煙籠芍藥波心現露浥芙

蓉水面生太液當年搖畫採採蓮嬪御盡傾城

贈槐邨

馳思翰墨愛親賢屢叩雲亭看草玄君是陸機宜
入洛我如郭隗誤遊燕錦囊豈止詩千藁苑屋惟
餘硯一田慚媿不成流水韻何當叨付伯牙絃

暑日雜吟

氣如炊釜更如湯蒲扇風微那覺涼日下了無騎
馬客河干閒煞捕魚郎琴絲挂壁慵揮手茶串當
檐倩沃腸安得及時沛膏澤共欣霑沐荷蒼蒼
青銅嬾對鬢毛焦門巷秋來倍寂寥日日苦詩魔

作崇時時憂旱魃爲妖難將世累閒中澹只覺人
情分外澆莫笑庾郎貧到骨賢如顏子樂簞瓢
處世誰能不涉街炎風四扇爍襟懷青陰垂路低
頭過白汗翻漿側帽揩役役每憎綠思遣勞勞徒
覺爲情差何如靜對丹鉛好長簞龍湏憇小齋
吾廬難與遠山鄰小築幽居寄此身襤襪幾曾逢
熱客琳琅猶幸接騷人行天赤日然薪火匝地乾
風捲甌塵聞道楚江秋水濶恩波誰爲潤枯鱗
誰言秋色澹斜曛仍疊奇峰是火雲病骨已癯應
斷酒詩腸久浣合除葷但期一雨霽沱下便救千

畦稼穡焚底事筵筮日占卜古來寧有幾靈氛
髮爲憂時雪日增潛居何異罷叅僧不嫌喜子紛
牽戶生怕蛾兒猛觸燈碍路自薶三徑草擔囊全
藉一枝藤手編小史多塵蝨聊與兒曹說廢興
步屨南臯亦偶游今秋爭及去年秋秧科焦卷農
人怨草色淒迷牧子愁聚落不聞噪蜀犬陂塘惟
見喘吳牛歸來殘照沿溪路片片紅雲古渡頭
蜀峰聳翠杳難攀頻過西郊望眼間記憶年時曾
一往盤桓信宿不輕還蒼髯樹下堪逃暑白足坊
中可乞閒塵混只今違法界依稀幽夢繞煙鬟

閒齋次槐邨韻

小圃幽花浪蝶無閒門高柳噪蟬踈脚思冰蹋猶
拋履背苦漿翻肯曳裾蘇僻一囊空挂劍藤牀幾
卷亂堆書西風已報庭梧落爲底炎氛不掃除

苦旱行

前年不雨田禾黃猶堪種豆支凶荒今年田禾已
出穗不雨眼見成赤地欲叩龍宮赴滄溟只恐頑
龍睡不醒

追悼太湖石晦邨

畫工渲染神於筆未聞以指代不聿晦邨寫梅乃

爾奇兩蓋三花能點出憶昔扇頭持贈來心賞絕
技歡啣杯自向芙蓉尋盟去空遺墨蹟淹塵煤芙
蓉之城丁與共是間曼卿應伯仲豈獨和靖相盤
桓更有騎鯨李供奉我今展翫傷如何不忍揮汗
時摩挲安得隨風下碧落消搖世上乘青騾

懿仲喜雪韻

日脚挂山根昏鐘又將夕酬接得小休常羊浮大
白槃雖乏甘鮮案快書盈尺毫錐作耨耨紙田爲
阡陌一聲俄永歎孤響出簷隙自從長嬴來炎官

胡赫赫癩垢纔澡身汗漿旋流額飢蚤巧伺人黠
鼠慣尋迹須臾辟歷飛霧沛荷天澤瓶粟久云空
所賴藏夙麥羣靈起枯槁方輿回燥赤眼看溢菜
畦餘潤及瓜場危坐諷瑤篇攄茲懷抱積緬惟兩
先生千載老詞客

喜雨

阿誰赴龍泓喚醒陽侯睡只此灑廉纖便覺消暑
氣

叢篁浙瀝聲宛若蠶食葉爽籟薄啞衣一歎舒眉
睫

苦熱行

炎官火傘時開張屏翳赤幟隨飄揚灼灼豈伊害
稼穡蟲蟲直欲燒扶桑每苦偪仄墮熾甕捫背赭
汗流衣縫除蹋層冰抱水眠白羽甘瓜有底用我
生原非金石身大化鎔爐可畏人燥以靜勝仲謀
句元王學士仲謀先生有苦熱嘆此語良足書諸紳回憶武功何
巖業山腰六月仍埋雪安能兩翼摩雲飛一霎崇
顛避酷烈

憶秦中諸山

太華

崔嵬太華山未可較尋丈兒孫視衆峰離立絕來
 逞我昔振策遊正際秋清爽盤盤鍊索緣磴磴天
 梯上犖嶮如虎蹲或俯亦還仰虬髯大夫封犇泝
 寒濤響中有玉女盆時照仙人掌不知何許年巨
 斧劈嵒嶙舉目皆奇觀快心豈殊獎勝處難具論
 臨風結遐想

仙掌崖

仙掌自古今冲霄何奕奕五指露天巧巨靈神斧
 劈日月總堪捫星辰覺可摘人關雲葉飛虎嬰露
 華滴巖鳥翔愁擒野狐嗥畏搯有時拱樵翁亦間

招旅客幽花細撚挑蒼蘚暗剗剔華嶽饒奇峰茲
 厓誠勝跡把臂曾入林嶮崎肆游歷別來三十秋
 伊鬱塵囂隔隻手仍擎天孤蹤違蠟屐披圖發齷
 歌前山月已白

太白

上有洞道書第十一洞天軍行不
 得鳴鼓角鳴則疾風暴雨立至矣

風翰難縱倚崔嵬時想捫蘿蠟屐來絕頂經年常
 雪積半腰終日有雲埋潺湲水竇層冰滑蕭瑟濤
 聲萬壑哀十一洞天書洞道軍行誰敢近山隈

龍挂

原田焦灼何可當羣黎哀怨嘒穹蒼愁輪碌碌轉

胸臆不禁鬢髮成秋霜忽聞人言湖翻水知是神
龍倒挂尾胡弗去借天瓢漿上帝從來愛赤子

擬錦袍居士作歌示桐社諸子

朝發徂徠峰暮涉孟諸野黃河一線走萬里直破
秋雲去天幾頭上巾風泠泠腰間百丈紅霞生老
雁橫空煙濕背悽聲叫入江南界江南江北蘆花
深霜意先酣楓樹林可知江南江北多黍禾淺汀
極浦愁網羅爭似邊庭沙黃與草白飛鳴自適無
人迹我一見之心慘傷當年曾列君王傍木芍亭
子名沈香召我立進清平章一枝濃豔花中王傾

城一顧回春陽唐室廟謨如簸揚白也狂醉方千
觴噉來束帶披衣裳玉墀鷓步憂踉蹌至尊爲我
調羹湯妃子紅蠡斟璫漿笛音曲折敲宮商冰心
豈作謏拜颺含箴寓諷布悚惶星妖一妒人臣遠
去力士懷羞夜郎有路天外離居峨岫孤清猿
悲歎蜀道縈紆乾坤旋轉翠華未返連昌宮煙濛
濛長生殿螢光散春風重到桃李花幾番細雨梧
桐院永王寧有窺竊心無奈讒口能銷金小臣不
敢歸闕下去向青山尋詩社驚人謝眺何能攀徒
望寒江淚如瀉沈淵痛煞逋臣懷掀波誰見長鯨

楚香亭集卷五
十四
來可笑立廟萬松裏日落遙看江月起大江風月
兩堪憐唵魂醉骨埋江邊胸襟絕無一塵染伊誰
饒舌稱神仙吁嗟乎我負詩名千百載至今隻字
何曾在世上庸庸弄筆人窓前偷改亂吾真我與
諸君舊相識諸君望我邈難即詩成刻燭寸許多
明月又看下煙蘿

再贈竹山

小住琳宮興不孤苔箋時看寫瓊琚軀腔瘦比閒
階鶴腹笥多於幽架書狂客已稱嵇叔夜柔娥應
適馬相如攜歸底用藏金屋入詠樓高儘可居

傷逝醉歌

如鏡月當頭相看忽缺耳月既有盈虧人豈無生
死咨爾新秦爲陳人幽宮一闕千萬春富貴何常
猶傳舍郭家金穴徒紛紛惟有高歌飲醇酒李白
劉伶今不朽華門綉闥總寒灰峩峩誰見糟邱顏
題董昭時少叅十二龍卷子

妙手繪龍推所翁慕而不見精魂通子安刺史善

摹寫

張見陽太守
別號子安

曾惠巨幅驚凡庸未敢擅挂密

封鐫恐其破壁飛蒼穹今夏膠西寓我屋于思如
對蘇文忠縹帶犀籤載古畫探囊特出天池龍云

以詩筆偶游戲
嘒墨揮灑多神功
一龍蜿蜒青雲中
一龍鱗甲搖虛空
一龍吸霧兼呼風
一龍展尾蟠長虹
別有兩龍分雌雄
躩踞奮躍難形容
餘六龍兮爭變化
委蛇態度何由窮
世間那易覲此寶
令人歎絕開心胸
出入筭行時相從
胡弗持獻承明宮
王師聞過瀚海東
旌旂蔽日波濤紅
懸之幕庭發光怪
直教滅盡鱣鯢蹤

詠古

項王宴鴻門不用亞父計
脫使大業成豁達亦劉季

泉明琴無絃悠然領其趣
無音與有音不向琴中著

日食動萬錢猶云無下筯
口體奉如斯何以處寒素

莫笑吳隱之嫁女牽犬賣
貞好咏綠窓勝於送資賄

太白騎鱷去人呼捉月仙
捉月月常在誰復來江邊

書閣老子雲鍛鑪狂中散
子雲何蕭條中散何放誕

邪溪曲

君家邪溪西我家邪溪東自來不識面相遇蓮塘
中君只愛蓮花我獨愛蓮子蓮子藏苦心蓮花委
流水

書槐邨杼湘吟卷後

昔年曾敘楚游草龔禹會舅氏歷歷山川眼中了今復
細觀杼湘篇使我讀之攄鬱抱槐邨遊楚為饑驅
一棹隨人任所如凡所關覽吐塊壘狀其形勝按
輿圖始而辭家東門出匣劍囊書小奚揭朝泊四
頂山名山看晴霞夕泛中流醉湖月慈雲閣向浮邱臺

煙波漁父投竿來乘興坐臺問居處土人失記紛
相猜風送飯顆日亭午髣髴浣花老杜甫若遇青
蓮學士過應嘲太瘦嗟詩苦螺磯斜倚江之邊弱
蘿織葛難攀緣雪浪亂翻江水濶篷窓卧對思流
連揚舫漸次入漢口俯視湘江綠於酒三閭澤畔
還行吟嶽麓峰巔更搔首蓮幕羈棲冬復春孝思
常戀白頭人紫蟹黃柑悉奇特恨不遙致供晨昏
嗟哉茂宰墓木拱龔子巢隣仲氏季子亦接踵邁種叔損辰冲
右丞誦君哭輓巢隣章足紉陳雷交誼重迄茲安仁
留賢聲勒功紀績非虛名彈丸之邑仰父母婉畫

一切資先生治世雄才詩裏見從心揮灑開生面
豈比尋常弄筆兒耳剝目竊令人厭

十二辰

五更飢鼠窺牀頭起看紅日升高樓耽吟成癖形
夢寐肯教圖史空汗牛繡虎雄才未易埒還探故
紙精英發課似游蜂放兩衙學如狡兔營三窟敢
擬卧龍卧隆中鳴琴抱膝殊從容平生多疑每入
務惟虞影裏蛇非弓幾年駑馬悲伏櫪天衢羨煞
終何益世路羊腸逾孟門對面宛然九疑隔琢句
工夫肖棘猴楮卿筆壻驅閒愁自甘冷寂滋味好

雞窓誰過評千秋昏黃犬吠柴關閉檢校墨兵聊
論世李家天子畏豬龍盍取玉環作人彘

促織

促織雖微物非時遽肯吟豪家難入耳靜者自關
心屋脚甘相匿兒童快一尋不眠常歎詠爾我是
知音

白蓮

炎風散遠岫涼月流中天吟窓禁几淨長物希盈
前文窺貯井華高插秋池蓮一枝含玉色彷彿凌
波仙平生愛養花遇花如有緣矧茲愜幽賞安可

無詩傳惜哉瑤瑤英垢面難爭妍香山白蓮詩我

瑤瑤英

甫銓白蓮詩畢槐邨以詠又南書齋白蓮佳

什見投率成謝教

杲杲秋日當華軒一規正射瓶中蓮玉腕瑤腮美
無度輕盈疑是瑤池仙綽約向人嬌欲語吟魂散
若飛蒼煙楊家阿環騁窈窕差可與之駢香肩海棠

其餘園花亦有致黃葵紅蓼徒爭妍輞川先生出
綺句示我冰雪揮雲箋蓮耶詩耶渾莫辨豈同繪
手施丹鉛我雖氣竭能再鼓冥搜肝肺窮雕鐫唐

突西子不自度效顰殊愧成斯篇

寄少叅昭時先生

酣歌不覺故情驩懸榻方知把晤艱料想老臣辭
魏闕必懷奇策向潼關一年屈指何容易萬里游
蹤非等閒塞北江南殊節候蕭蕭風雪滿天山

乘羸行戲為竹山作

君不見當日石曼卿乘青驪主夫容城又不見清
虛處士入西華乘白驪送惡少歸汴京一號詩人
一隱者是以千載留其名東陽先生有底急亦乘
騎駿田間行百鳥已棲月已上昏鐘梵宇鳴華鯨

農家嬾子閉柴荆，猛聞慘戾咸相驚。
嗥嘯儔侶敲銅鈺，長鏡撾簡絲來迎。
色然而駭難控縱，瘦腰跌下浮埃輕。
履遺帶脫堪絕倒，撫鞍躡鐙心怦怦。
蒼黃進止類羝觸，眼前草木疑皆兵。
驢非驢兮馬非馬，龜茲想見奚兒形。
千金之軀宜珍愛，坐不垂堂古所戒。
山魘野魅舉世間，彼氓蚩蚩寧足怪。

悼姬人

縹緲巫山那易躋，彩鸞一去杳何之。
行雲已斷襄王夢，落葉徒增楚客悲。
不道泉臺沈艷色，却如風雨妒花姿。
再生願結良緣好，猶記三郎夜語時。

午後漫吟

幾日不讀書，便如癡小人。
茫然靡所識，汨沒辜此身。
西風撼庭樹，撼撼耳難聞。
我乏魯陽戈，無力迴羲輪。
長天孤雁去，嘹唳何酸辛。

戲作堂前石詩二首，倣元虞邵庵先生

宦念如冰雪，筠窓業小詩。
與吾爲伴侶，非爾却伊誰。
醉玩巾常挂，眠看鳥屢遺。
聳肩吟骨瘦，休笑老夫癡。

代石答

磊砢殊頑鄙，鏗然贈好詩。
補天難借我，立地慨同

誰人代閒情閱波濤舊夢遺南宮曾辱拜何以答
顛癡

槐邨清峙過小齋茗話

剝剝緣誰啟戶扁求羊過我愜幽情舊交以外無
朋友異姓之中老弟兄酒國莫能為勁敵詩城常
見出奇兵他年白社收耆宿也許攢眉共入盟

示一二知友

流光電抹感西風日日吟哦答候蟲鶴徑已迷荒
薜荔蝸廬如故老梧桐市鄺難酌巖泉綠歸隱羞
餐官粟紅蒙太守惠米常欲買舟吳下去百城煙水任

飄蓬

排悶戲作

北風吹透褐衣輕况復瀟瀟細雨鳴酒不驩人空
號伯錢能窘我枉呼兄婢炊闕米喧窓牖奴爨求
柴立檻楹自笑一生吟是癖詩肩歪聳有閒情

七夕時久旱祈雨

良夜靈源月半彎鵲毛填作綵橋看龍旌鳳扇排
仙駕翠果甘瓜簇玉盤天上謀歡殊不易人間乞
巧信知難願將幾點銀河淚一灑紅塵潤雨壇

十五夜月次槐邨韻

玉盤高挂點燈初詩眼書胸正要渠爭得片帆湖
上去大員鏡裏看叉魚
入夜無人叩戶扃銀蟾光滿綠筠亭試看皎潔還
依舊雙鬢如何失故青

憶昔二首仍前韻

憶昔經營別墅初小濠池水引清渠最憐百尺圓
松下閒執筠竿學釣魚

憶昔園居戶不扃一叢修竹自亭亭愛他雨洗風
摩慣鴨腳籬邊分外青

十六夜對月用蘇文忠韻

白兔未減輝仙娥殊有情況茲萬籟息皎潔尤
明芳醪時一酌其味甘如飴玉笋射金波酒浪搖
難平秋窓石角瘦矮榻堪支撐醺酣抱影卧仰視
銀河橫

次韻槐邨覽鏡戲作

時口邊生
小白瘡

誰是嵇青眼君真王白鬚慵隨時作伴愛與古爲
徒卞氏懷藏玉隋侯口贅珠菱花猶取照忘却老
鰥夫

十七夜月用東坡先生韻

尚對如輪月正好蟾光閃閃驚飛鳥明日相看未

覺遲苦比前宵已不蚤
遑問八荒與九州中庭且
喜金波流放眼乾坤搖醉筆
焉肯局束眠蝸牛

同槐邨詠紅蓼限鍾字

清商節序至瑟瑟鳴西風
牆隈無雜卉惟餘蓼花
叢古人烹雞豚實蓼於其中
或和羹與膾爲蔬口
腹充或收子入藥服餌有奇功
常欲舉告世竊慮
欺愚蒙時見舞婆娑穗結珊瑚紅
夕陽愈可愛映
我琉璃鍾莫謂小草耳視之如秋蓬

秋晚登樓

卧起披衣獨倚樓芳醪端藉瀉煩憂
唼魂嬾入鷺

駘路醉筆狂搖蟋蟀秋蘿月有情
窺硯沼竹風無
賴盪簾鈎憑高誰識詩人意
身外忘機即海鷗

題壁

秋風將送雁聲過日凭闌干一放歌
事敗如棋休
覆局門閒有雀可張羅馮唐老去
心情在杜甫生
來感慨多散髮陽狂嫌任誕
開單常願學頭陀

秋海棠

牆隅誰種妖嬈花淺深紅色枝欹斜
山莓點點堆
嫩綠結根何許依雲牙在昔石湖
偏愛賞泛湖每
歲歡移家獨有詩人稱好事
絲負俗子徒矜夸水

壺秋月照吟詠狂揮醉墨棲寒鴉幽姿淑態描不出含情似爾興咨嗟

早起讀放翁學射道中感事詩

新涼蕭爽坐茆茨岸幘臨窓且誦詩七椀底須茶解渴一盃惟有粥克飢尚書乞米聊爲爾校尉封侯亦太奇說與兒曹堪絕倒伊人原不是憨癡

幽意

文瀾滄海濶不敢苦沿洄啜茗當風檻看人掃月臺炎威秋後息山色望中來疎雨何時過蕭蕭潤綠苔

晚城謁余忠宣公祠

黻祠卓立古熙州肅仰先到勝地留溱潔蘋香光奕葉孤忠大節炳千秋山沈苦霧含英氣江挾洪濤帶怒流想到青陽讀書處薰葭宛在欲從游

再詠秋海棠

雨洗燕支朶朶開紅香渲染玉斂黷若教碧眼棚兒見化作啣花野鹿來

亭畔長霑雨露恩三郎一見一銷魂可知鞞鼓漁陽動不是情恨是禍根

雜詠

曾著芒屨蹋軟沙幾年浪跡寄天涯夢回已悟莊
周蜨疴愈裁知樂廣施民瘼近來殊可念姬魂遙
隔不勝嗟一庭梧葉西風掃遑問小山鼓桂花

丙申春槐邨以文章宿老携令嗣居文定公
貞松堂左側相國孫又南柱史孫洛貴棠茂
余一兒兩孫皆北面受業因作長句相勉

鳳皇鳴岐山百鳥必追隨神龍戲滄海羣魚亦游
嬉槐邨先生老博士大開講席稱醇師架上叢書
編甲乙蒐羅藝苑無虛時谷律那號九經庫殷踐
猷呼五總龜稚恭可爲荒年穀取以相贈非浮詞

贊皇之孫僕射裔犀顱虎顙皆殊姿况是佳郎厠
左右皎如玉樹風中枝吾家宗文偕楚老蓬心蒿
目嗟庸兒列坐旦昏溫課冊齒牙朗朗聲吾伊每
看執經絲問字指點妙義忘神疲孔思周情喻者
少涵濡曷啻汴河湄聖賢堂奧不易涉儒關全在
培根基訂頑砭愚微巨力何能大業千秋期

杜門自遣

松作團瓢竹作門吾廬幽絕宛山邨魚羹飯喫粗
堪飽犢鼻禪穿頗覺溫紅日罨檐秋雨霽白雲歸
岫晚烟昏醉鄉博得封侯願且放懷開飲一樽

中秋放言

班家扇樣誰裁出吳剛桂斧霏香屑山河大地吐
輪中金波灑灑胡澄澈天風吹我墮塵寰那管鬢
霜與頭雪直提兔穎寫秋光輒發狂言銜蟾窟人
生一年十二度一年之間幾員缺時時玩賞嫦娥
宮獨有今宵最清絕不須鳳脯麟髓紛紛陳不必
金縢玉杯錯襟新雙成扶上黃鶴身大江江邊呼
李白吾願同子乘九霄之雲而升萬仞之崑崙

中秋夜與婦飲用楊鍊崖先生元夕與婦飲

韻

人員月亦員難得逢今夕寒鏡挂當中幽輝照琴
冊不必登危樓不須羅綺席兒女列座隅開懷勝
曩昔一觴嬾進我願我春秋百我復勸一杯毋辜
茲桂魄彼此交獻酬如對同心客歡樂未渠央失
笑兩頭白

讀桴湘陰

白月籠幽窓青燈照朗讀讀茲桴湘篇山水宛寓
目璣細得盡窺百遍未云足田禾被焦燃憂飢鬢
爲禿何意快喁喁垂涎勝啖肉匪第濯肺腕洵堪
救枵腹秋聲颯然來聞響疑空谷我口安能箝行

楚香亭集卷五
二十六
歌對珠玉惜哉颺粃糠不直一囊粟

再賦中秋倒用讀桴湘唵韻

青天挂銀盤鼓桂飄金粟舊年宴陳園麋綺席圍

美玉

名女優

王翁氣色和有如入暖谷妙音轉繁絃

淒聲曳圓腹世間悅人耳無過此絲肉琢詩發興
賒榻管隨毫禿蓮漏已沉沉繁虞猶未足修焉星
一周電火閃雙目把杓吾其歌歌闌向誰讀

蓬萊秋色

紕虛昨夜走青女飛入蟾光無定所海上神山千
歲春祛塵風起秋煙淪珊瑚紅排十萬樹玳瑁墨

灑九天霧玉女不老鏡中絲洞口落葉隨飄飛鳳
將丹雛匿丹穴長鳴一聲海水白

月夜讀書示內

彼鳥不孤鳴棲飛有匹亞而我一齣歌秋窓快閒
暇遮眼堆奇書籤題挿鄴架時或討潘陸時或窺
鮑謝餘響在人間精金光四射如無地卓錫庇蔭
依廣廈又如羅庶饒厨饌可資借常舉告細君矧
當明月夜莫云困齏鹽了不省家舍

秋風

商音嫋嫋起高空巴里悲秋宋玉同入院不情催

落葉飛雲何故滯征鴻波濤海國知原壯鼓角邊
城想更雄最是亂人心曲處吹來香杵月明中

次韻答槐邨論詩

裁縫苦思夢難安未必人難我却難快意直同騎
駿馬攢眉渾似涉危瀾清篇帶月羈懷爽妙語當
秋老興寬得近龍標牆數仞齒芬餘潤沃酸寒

秋曉南郊

驢背迎初旭長空炫綺霞煙螺青不了秋水白無
涯曬網窺漁戶飄旗認酒家最憐邨落外含露隔
籬花

和槐邨細雨

一雨催寒早秋窓弄筆纖霏微斜入幔點滴暗添
簷未覺蒼苔漬先知白草霑西家眉樣曲顰效媿
無鹽

秋宵書適

癡頑老子任婆婆閒呷烏巾一放歌糴價平緣收
稻富羹材足是貫魚多釵頭蟲綴如絲網鏡面蟾
光似粉磨好喚前邨麴道士書圍酣戰泛紅羸

寄妹

一自去朝霞臨岐柳慢遮皋城非域外故里即天

涯雁度秋雲薄人來夕照斜發函知體健操作信
宜家

答靈再

螭蛟焉敢鬪蒼龍培塿殊慙對碧峰餘事竭來難
挂眼劇愁唵處輒開胸低簷浙瀝連朝雨遠寺噌
吰五夜鐘堪伴琴尊輝几案肯將珠玉遽緘封

贈靈再用東坡先生送任伋通判黃州韻

人中之龍玉溪子慣放短驢來鄉里昔年曾作新
郎君屈指春風七度矣牙籤玉軸貯奚囊韻事南
宮難專美手拈玄兔寫交機紅樹蒼山映白葦都

入經營意匠中區區皴折良足耻畫有天機詩有
神右丞工部何嘗死我如歛段走康莊正藉騷人
施鞭箠安得現席相從娛不把烏程即烏觜

戲柬槐邨

詩憑寫意欠磨礮喜就夫君琢句工入夜嬾呼留
燭婢過街人笑挾書童年來不信如羈鳥老去猶
然作蠹蟲夢得香山千古後何妨更有二狂翁

雜興

但知酒有權未聞詩有柄酒消暫時愁詩發終日
興

人能糞其心一如糞其田淤蔭勤且久良苗自好
堅

夙抱煙霞癖夢想紫芝山採芝可療飢東園公難
攀

永日閉幽扉不冠亦不履莫浪嘲嵇康嬾邊自得
趣

我如食蓼蟲色色耐辛苦一飲尚間關寔暇多拾
取

君子心正直小人心邪僻齟齬如齒牙瞭然判黑
白

老世作蛹蠶畏人藏頭雉省事即省身鹿鹿胡爲
耳

朝愛巢湖遊慕愛巢湖歸湖月淨於洗湖雲濕不
飛

詩本悅性靈焉用事雕琢秀句自天然古人非易
學

每見利欲人醺心如中酒不知一朝傷寧待千日
久

不對宮亭神難以乞如願不假金翦刀何以裁寸
恨

門閒爵可羅
宛若居窮谷
昏旦聲琅琅
喜聽兒孫讀

病眼正團花
看書如隔霧
負茲好秋窓
媿彼書中蠹

投床體晏然
入夜息羣動
何來疎杵聲
破我將回夢

常思入山深
更入雲深處
山外不見山
雲中別有路

年光東波流
黑髮不能更
拭目看前途
怕對湖州鏡

世上消搖人
無如魚蠻子
秋江一片明
卧在霜花裏

舊年頭未雪
今年鬢已星
不及野草發
一年一回青

靜中萬感生
旋向靜中滅
萬感在一念
此心貴澄澈

蜀山當我樓
蒼翠時在眼
冷然御風行
觴詠同嵇阮

謂槐邨清時

晤劉延譽感賦

時延譽入秦中

舊硯君苗古
鏡堅那堪霜
雪共華顛
鴛槽敢問鹽

車駿鼃井難窺醬瓿立萬里素秋悲老雁一林黃
葉咽寒蟬臨風細滌緇衣垢曾挂秦關嶺上煙

吟餘有感

奢年習帖括何暇叶聲詩學步既不能效顰尤可
嗤比來頗究心雙鬢已成絲貧窮對妻子常吐辛
酸辭曷啻風中蟬秋高轉枯枝

閒居示內人

閉戶何須遠市城琴書隨分愜幽情飯春雲碓長
腰米茶響風檐折脚鐺茆屋細鋪防漏下棉衣初
換爲寒生但期渾舍相娛老敢比龐公隴畔畊

懷都門張錦西同學

鯉魚書尺重南金豈有心交易此心老雁半天衝
月冷殘梧滿地墮霜深離悰自是秋相憶义手誰
憐夜獨唸布襪青袍棲馬帳懸知嬾受軟紅侵

雨中遣興

屋接龜頭對遠山黃花三徑數弓寬秋籠大塊何
知老雨近重陽便覺寒半世詩名留海嶽經年塵
夢醒邯鄲濕雲叫過南來雁注目閒憑卍字欄

讀槐邨次余雨中遣興詩率成長句

案滿圖書酒滿缸靜中滋味世難雙籬花隨雨疎

飄院庭葉吟風細打窓幟樹堅城誰可敵戈投弱
國自爲降文章漫說徒娛戲金石何人日擊撞昌黎
文章自娛戲
金石日擊撞

積雨用蘇文忠聚星堂雪詩韻

蕉窓陰鏤聞戰葉一卷奇文讀冰雪銅瓶唧唧叫
蚯蚓水熟茶香烟斷絕瓦齋不怕簷牙淋苔滑惟
妨屐齒折遠塞迷濛白雁稀前山雲靄青螺滅坐
我詩城握管城詎容書肘隨人掣但恐積晦暗晨
光氣蒸銀海如花纈大員有意困吾曹千絲萬點
何瓌屑囊茱落帽指日間時序飄流成一瞥滴碎

東籬秋牡丹柴桑老子焉能說寒衣未製暮砧催
已覺霜宵衾似鍊

仍前題

禁烟雲露水花草
落滴聲響等字

最憐淋漓灑疎葉勝彼汗漫彌天雪案列聚星堂
中詩高篇哦詠歎殊絕欲將綵繪闢珣璜不覺嗟
鬚爲撚折好山對我如故人蒼翠時明亦時滅恨
不凌巔看洗澣疾於臂上鞞鷹掣粲粲陶家菊吐
金霑濡愈愛深黃纈閉門坐井猶可堪乞糞乘舟
寧詎屑僉憎陰翳望初陽安得羲和丹景瞥居者
畏出行者止胡弗向碧翁翁說句成禁字倣前賢

匹似君苗磨硯鍊

書齋漫興仍前韻

軒外啼螿抱寒葉伴我微吟掀髯雪誰知各自有
苦辛同出悽聲實奇絕鯉魚風老百芳闌兔尾不
動蟾足折姮娥夜泣廣庭中點點疎星朔復滅瑤
篇肯付脉望飽甲乙籤題信手掣只今五十眼不
花細字渾如魚子鱗洞視千古韓歐蘇嘲風弄月
豈吾屑駐顏難覓仙人砂向後年光直過瞥憶昔
坡公賦雪詩賞心妙與兒曹說從橫白戰騷雅場
兩手搏空無寸鍊

詠蘭菊次聖期先生韻

謝庭植得兩三叢不與陶家衆卉同入室可招來
徑曲當門宜徙倚籬東并噓冷艷幽人佩兼擅孤
芳隱者風好句誠齋描寫盡繼聲端讓小安豐

邨

謂

呈聖期先生

先生卓犖好丰姿先生文采光陸離能繼扶風設
講席何慙南面擁皋比署傍一齋顏心鮑終日坐
卧耽吟詩問字紛負那勝數眼前潘岳

成

頌全王維

邨

快晰疑義無曉暮裁磨圭角咸師資斥地數弓

更成趣紆回苔徑編疎籬陶令瓊葩插左右鄭公
書帶圍參差古柳簾陰盪餘碧草龍珠帳尤離奇
只此不殊守泉石冷官馬肯如羈縻偶叩雲亭際
休沐中郎倒屣迎階墀苛禮捐除談風雅懸河舌
本驚僂癡我與孟韓悉討究咄哉門戶深難窺向
年頑蔽遞賡和迄今媿悔俱浮辭合供先生蒙藥
具或將覆瓿藏吾媿廼辱包荒謂可教連篇綺語
煩相貽雲霧千重走雷電波濤萬丈蟠蛟螭奈困
樊籠受寒餓縛若顛倒縲嬰兒起探喁喁百許過
蓬心漸覺開茆茨緬惟兩載滯京國軟紅堆裏勞

奔馳碌碌榮名究何益精神疲憊徒嗟咨

次槐邨重陽前五日見投韻

日日詩中得所依詩人藉有謝元暉正當好雨來
佳製偏是酸風入敝幃秋老不知雙短鬢身寒仍
著一輕衣漫言節至泉明喜送酒王弘近亦稀

重陽前一日偶成

節序催人老鬢絲孤吟豈獨爲秋悲風將寒入酸
偏覺雨挾愁來暗不知白雁依然鳴絕塞黃花何
處綻疎籬時艱久息登高想會續龍山却是誰

東槐邨

風雅寥落亦已久邇來迥出槐邨詩每一篇示獲
環貨掀髯快讀驚新奇想當下筆有神助騷魂艷
骨潛追隨攷古淵源見宿學立言根據非浮詞便
可中原樹赤幟裨將焉敢興偏師縞紵聯交蕪戚
屬形骸脫畧心相知屢走巷街乞針砭猥蒙不棄
盲聾醫牧伯衙齋動秋興太守姚公公餘揮灑光烏絲
我也效顰殊技癢塗鴉信手供人嗤君廼嗣響吐
麗句捷於七步超陳思白雪巴人共酬唱燕環羞
殺嫫鹽姿如此才華真未易胡爲亦效東方飢英
雄軼軻偶然爾窮簷慎勿生嗟咨滿耳雁聲到重

九陶家名本開疎籬眼底秋光賞不盡意欲郭外
尋青旗閒囊茱萸對好節細劈玳瑁傾瓊卮明日
牽袂同一往不須瘦竹煩奚兒

九日清峙過同槐邨遊鬪鴨池小憇興國禪
院用盤隱太史韻

高秋籠蓋千萬家秋光點綴疎籬花落葉池塘閒
散步泠泠風帽吹欹斜鏡裏不復人鬪鴨隄邊依
舊林喧鴉是日青娥霏玉屑羸骸便覺嚴寒加興
酣更游古蘭若宛然曩歲羈京華解事緇流出妙
句朗吟熱服還咨嗟摘豆歸來當萸插半珪涼月

生簷牙嗣響拍浮度令節吾曹樂趣真靡涯

重陽漫興

已把功名付逝川此身嘗欲寄林泉匣中尚有屠
龍劍囊裏曾無買鶴錢
散一籬煙閉門嬾學狂司馬吹帽風流讓昔賢

九日同槐邨清峙暨內侄又南兒子穎卓齊
卓大孫養年散步興國禪院鬪鴨池歸飲小

齋

縹緲飛樓快一登闌干曲處儘堪凭置身佛地秋
何爽放眼鳧池感易增啜茗適逢騷雅客摘蔬相

對嬾殘僧糗糝食罷題鮫字金粟如來自可能

王右

丞號金
粟如來

濟勝偏宜自在身霜髯筇杖見精神黃花骨瘦同
詩老白墮情酣聚酒人半榻禪依秋水曲一竿漁
釣晚煙濱鴉啼衰柳迷歸路却遣奚兒隔岸詢

再步鬪鴨池集放翁句

且喜閒身得縱游清池投餌看魚浮欲舒老眼無
高處明日重來倚寺樓

次韻復菴二兄九日感懷

休休亭子恰相宜避跡何能遂所期霜逼羸軀偏

降蚤菊嫌老眼故開遲登山怕落參軍帽把酒惟
吟太傅詩香山有九日禁中對花酒憶元九詩無賴西風聽不得秋
黃幾葉打疎籬

九日呈槐邨

束髮弄柔翰即知師益友多年舊學墮可惜空辜
負盍簪得仲宣斯人世無偶雅言寓賦詩淳氣見
酌酒每過挾疑懷仗君悉開剖恍然暗室間明缸
懸左右自度棄如唾難以上君口新篇忽來及驚
喜獲瑤玖褒譽太失宜面顏彌增醜到沈三刻吟
温岐八义手君才更驟馳肯落二公後今秋天氣

佳其日正逢九落帽事堪追題餽句必有倘不鄙
疎頑惠余謹拜受

再投槐邨

咄哉老鱗叟篇翰造三昧辛勤事丹鉛况與文忠

對時點勸施注蘇集韻語每晨撫吟魂自夕會絲繡入詩

奩珠璣收錦袋嗣響惠連帑清眸射光怪齧嚼忘
午飢震驚破昏曠蹊徑荒蕪填常時發歎慨巨斧
藉芟除平夷儼去痼豈特涅之皮且將銘諸肺氣
候逼清商乾坤為變態秋聲颯颯聞滿耳覺瓌碎
浮名非所干假此酬萬籟亦以寫孤悲亦以償夙

債莫嗤瓦礫投尚異瓊瑤賚

呈印浦先生十首

平生與父執敢擅稱世友辱蒙先生知低心憐下
走秉性介且迂何當顧我厚數欸白版肩膽麤撼
門鈕陽氣徹鬚眉欣然相執手從橫說古今玉屑
飛軒牖待問鐘在懸小大隨人扣娓娓忘神疲自
卯常抵酉時而戰楸枰屢挑角勝負時而揮鹿盧
看散彌天帚明知困齏鹽未易輕緘酒之人亦已
奇底事還掣肘帝閣不可叫太息空搔首

先生士林華少小騰芳譽羞爲櫪下駒愛作書中

蝨我昔西秦回瞻仰增慙懔縮伏雙桐軒敦敦攷
章句簾影盪晴暉煙光澹曉樹課策息心神揣摩
得精趣筆鋒射戟鈿文瀾奔湍怒常教宿老欽可
但庸兒怖奈侯扶搖起不送鵬飛去季子空藏裘
荆山尚寶璐古人一息存勿肯隳志慮知年未始
衰正好追先步切莫舊業拋視同霜餘瓠

水流有日平石堅有時腐人無金玉骨終歸朽黃

土惟此一囊詩能垂千萬古髻鬢學四聲邈焉隔

門戶梨栗曩曾栽鄧孝威黃仙裳過誇許迄今三十秋

深悔洿毫楮竭來事搜剔頗知用力努竟慮彷彿孟

韓窮思樵李杜漢魏蠹堂楹宋元列廊廡仍未窺
藩籬抵觸徒自苦先生長騷壇祠社推宗主鑒賞
冰衡空誰當屬齊魯藐茲邾莒儔可堪登盟府

往在 天子都深知多契濶顏色見月明喜從屋

梁落青眼荷元方

介亭先生

邀嘯慰寂莫尋花憇郊原

介題縱酬酢頓令孤旅人蕭散忘貧縛蝸名賴周
全炎燠勞兩脚希圖得寸廩效愛靡媿忤中道條
躑躅世事殊難度前歲賦歸歟詩瓢挂驢膊鬢的
已霜勻壯志潛銷鑠空蹋軟紅塵回思計大錯造
物巧相戲親情都負卻光陰剎那間一夢宛如昨

薄晦逢歲穰十已嗟九售貯粟僅盈困飢腸焉得
救敲門吏追呼昨來今還又琴書質無幾褐裘鬻
不就將底供科徵憂繁恒積疚吻頰類啣枚耳輪
如塞豆善賈湏多財善舞必長袖信哉韓子言細
翫誠非謬先生倚南榮紙田筆耕耨常閉玉版扉
坐守青氈舊容與道術疆抗思文蒸囿酷嗜交麴
生昔昔合三漏欲盡利名心當依元德秀

月明秋在戶萬瓦煙籠白林葉落紛紛如霰蒼苔
積蓬蒿一晦宮雌伏胡寥閔思遊亡何鄉清芬飲
玉滴或喚生劉伶或呼老彭澤興酣寫襟懷庶以

酬良夕囊橐的自羞牀頭乏三百
裴回步層檐念我詞場客古來心
乎難而况似其迹此時坐書城料
不作無益申帑聞寒蛩定然煩冤
劇人世邁迤邐豈伊薪粲迫姑置
勿復云且各從所適

人窮如春波浩漫無涯岍誰力能
障之使彼中流斷嗟余雖困坳墨
突日猶爨先生謀饗殮恒晡不繼
旦頻走看草玄未言我先歎華棖
極爽塏闔市是鄰畔蠹蝕落飛屑
暝陰易腐爛胡爲寶荆玉襍還依
城閤茆茨陋可棲菑畬瘠可辨庭
闈奉所親寧愁具餐飯曾讀子安
詩星移而物換崇替自古

然解人宜達觀守此徒抽縈愈攪
方寸亂

寒色滿員靈寒陰翳皎日危樓度
雁鴻四壁鳴蟋蟀籬畔菊稀疎葉
黃猶抱疾節物變故顏良辰忽焉
失類宋玉悲秋篋然坐虛室欲理
桐上絃琴床落鶴蝨欲繙架上書
兒頑亂縹帙攬鏡照頭盧絲絲白
根出憂端從中來不覺遺冠櫛豈
無曹偶偕逕復非膠漆軋人何詭
譎鳴張但口實禁齟難申毫欵歔
惟抱膝交道至於斯先生信齊粟

昔者謝客兒邱壑成癖嗜永叔官
滁陽亦得幽人致我曾羈牖下苦
爲家室計色色費區處空作窮

愁誌胡弗學前賢雅游名勝地出門即秋山翠律
橫蒼翠上有甘露城林樾極深邃長歎白雲間聲
應振葉墜此樂阿誰知蕭灑真無二盧杖何須携
阮屐反覺累隨便雙魚榼肩挑煩幼穉非惟野趣
同俱可塵喧避先生興自佳度不辜吾意

朱火耿秋宵軒窓息萬籟璫韻堆員櫻髯蘇靜領
會嗣響裁許篇辛勤理荒蕪縞締敘分明躊躇難
東汰當其技癢時握管如爬疥沈酣墮百爲眠食
亦可廢焉肯效俗兒思窮輒意敗但恐淺陋邦雄
強譏曹鄴把句朗吟哦遙天飛鐘唄衣薄寒不禁

學韓屢循帶一卮聊懷羊藉以洗塵昧醉中揮筆
書安得張旭輩莫笑太瘦生勝於盛米袋

秋興次韻

逢秋不問田園事書几青熒秋最閒秋句琢磨殊
費力秋懷灑落劇開顏煙搏秋色籠三徑月碾秋
光閃半山塞雁唳秋天際杳啣蘆竚聽帶秋還
三徑薜蘿好秋色吟秋博得一身閒適逢秋爽堪
攄抱便覺秋清足解顏秋葉綴如莊子蜨秋雲濃
勝米家山提壺更愛秋郊醉信步探秋迤邐還
良秋竟日爲歡處自是清秋意致閒秋露養花祛

艷色秋霜凝樹渥丹顏短籬秋徑皆通水疎竹秋
窓不碍山身健定饒秋興逸登臨目送好秋還
雨夕風朝正秋日深秋物景自幽閒梧桐秋葉搖
疎影菡萏秋花失故顏秋夢幾飛丹鳳闌秋懷頻
戀白雲山芙蓉漫向秋江採迢遞尋秋未易還

酒

一醞澄澄碧山妻手法成舌甘知味永脣潤覺香
清拍處狂無敵唵邊煖易生醉侯鄉可老魁壘盡
澆平

次韻石農客夜雨愁

襟被餐風並履冰積陰旅榻宛然僧蠶聲簌簌何
如此蜨夢蘧蘧總未曾滴瀝虛簷垂白練淋漓破
壁亂青燈羈懷別緒紛來集誰遣蛟龍氣互凌

睡起閒咏示內人

似水門稀長者車非人疎我我相疎菊殘秋色荒
三徑樹老寒聲聚一廬廢圃嬾修栽藥器涸池空
著養魚書牛衣漫起王章感出守南柯新賜除

夜枕

老病侵尋不耐秋寒宵破被已蒙頭雁聲淒入悠
揚夢蟲語悲添宛轉愁缸落細花風透戶爐銷殘

火月當樓隙光照鬢如霜雪蓮漏催人未肯休

喜槐邨瓊寄舊齋

數椽已售人閒寂庭軒空苔長石有衣蒿深路無
縫常看蝙蝠飛只覺陰霾重日日步檐楹徘徊托
咏諷燈火罕匹儔何幸與君共君才富於海涓滴
皆妙用眷屬親班揚衙官視屈宋五色纏毫端暈
眼宛蟠竦窈窕思控鶴噴岍擬學鳳珎錯不能將
盤殮或可供杯酒時細論免教詩筒送屬者盛風
雅呻吟如聚訟語泛沒根荻又若凌波封繫余尤
頑癡腹笥甚空洞嗟爲世所捐思之心良痛合并

得舟旋晨昏就折衷兒師即我師大慰飢渴夢

野遊

清秋度度出郊坰放眼秋光似畫屏曲水波流雙
股碧遙山烟吐半腰青蟬蟲背日啼高柳鷗鳥迎
風浴淺汀安得世間名手筆爲余寫作一郊亭

拙吟蒙清峙評定作此奉酬

蒼然鬢鬢一詩翁交介陳雷氣味同謬以篇章煩
點竄勝於砭艾治盲聾笛材祇是椽邊竹琴料徒
爲爨下桐何事中郎偏不棄嗜痂還欲似劉公

仍前韻投槐邨清峙

王郎詩格浣花翁更有徐卿致不同交以貧疎增
面覿學緣嬾廢得心聾珠璣燦奪千金壁壇坵高
過百尺桐強韻每看商競病奚殊聽法侍生公

漫興

白雨絲絲灑石苔青煙漠漠冒庭槐枯腸雷動因
飢致病骨秋癯覺老來故帟塵昏詩不就方床草
軟夢初回茶鐺折脚安檐下消渴時將啜幾杯

跛僧

世間焉有須菩提跏趺說法稱人師跛跚一足夔
罔象芒屨遑問奔馳爲五嶽三山不可到盍歸淨

土除貪癡廼以勤行誑聾俗一闕如鳥樊籠羈在
昔昌黎嚴闢佛亦喜文暢工文詞似汝冥頑何足
恤特遭屏斥固其宜跛乎跛乎當自省善幻多能
吾不知

閒居漫吟

生平放達傲王尼繩尺年來獨守規蒲葉扇搖風
一片菱花鏡對雪千絲已如禪寂難同俗焉有心
情不斷癡回憶長安爲蝸角枉將野服染塵緇
入夜誰過訪寂寥扃扉暑氣已潛消秋聲滿院蛩
聲訴月影橫窓竹影描愁却似城還似海詩能爲

崇不為妖狂來一灑烏絲盡又向階前寫綠蕉

西郊即事

躡步出郊原消搖遠市喧野煙暝極浦秋水淡孤
邨飢鷺窺魚立癡牛學虎蹲相看有圖畫何必問
芳樽

襲芳園漫興

小園窈窕儼山阿為看秋光得得過修竹一叢霜
氣薄老梧幾葉月痕多當杯爛熳醺丹液隔院嚕
吟響步羅曾記狗兒吹篴夜譜紅

軒名

簾下膽孃歌

感吟

心力徒拋翰簡中癡書端合坐奇窮月當缺夜光
猶在人到貧時氣不雄何處青山堪託跡者邊白
髮已成翁疎籬又放陶家菊流水年華去太忽

偶作

繫余未誕生胚渾知何所消搖任化遷疇與我為
伍我身既委付落地染塵土鑿此靈竅開便能識
歡苦苦日多所適歡日罕所覩二者縈心胸相紐
費織組

披裘公

負薪五月尚披裘道上遺金遽肯休莫怪適逢皮

相士合將名姓隱千秋

榮啟期

鹿裘帶索鼓琴歌誰似先生樂事多一遇素王相
問訊恍同風浴共吟哦

小臣稷

抗厲希古人爭仰萬乘之君凡五往求賢飢渴如
桓公庶不負爲五霸長

韓伯休

賣藥長安卅載餘口無二價亦何迂等閒女子能
相識羞殺寰中肉眼夫

黔婁先生

修身清節自高賢碧簡相傳著四篇爲相爲卿俱
不就聘金賜粟枉舟旋

河上丈人

術明老子授安期修道藏輝世莫知馳說紛紛當
戰國誰甘遯跡住河濱

樂成公

之齊之趙任奔馳藉甚名因老氏垂尊事豈伊田
叔等風規猶共仰賢師

任孔子

丁年好學隱深山名在尼山稱謂間榮利不營微
不詣高風千古渺難攀

和聖期先生詠蛺蝶花韻

元嬰去後少稱誇誰爲春駒紀世家藉草踣踣餐
露液托枝孃孃吸霜華假能作隊隨簷鳥爭得令
人點鬢鴉獨有景猷才軼謝清詞譜出幻中花
傳來郢曲寫滄浪花發金莖惹思長葉顫似飛單
欠粉枝搖如舞不多香非同麥朽無知化爲底羣
糜也自芳一枕南華夢叟趣黑甜栩栩任悠揚外海

滄浪州有金莖花如蛺蝶

感懷

水溪可避焚山陬可避溺茲雖非良圖聊且拯急
迫我生枳棘叢動輒增憂戚如鳥困籠樊靡由施
六翮不知形骸微但覺天地窄又如龍門桐其高
聳百尺獨立無旁枝矯矯究何益

小歌爲槐柳次郎亮庸壽

君不見山下松青青直欲爭虬龍又不見檐前竹
葉葉枝枝鸞鳳伏烏衣年少善讀書通眉長爪神
仙如神仙隊裏耽遊戲紅杏花中醉春氣靈螭昂
首來迎人丰標岐嶷宜楓宸他日吹笙緱嶺下乘

雲鶴馭何蕭灑

賀吳譜迎娶歸同槐邨限韻

明月將員夜十三乘龍客出城之南野路秋光賞
不盡篋輿軋軋吟懷耽琉璃硯匣載錦橐詩成灑
筆揮雲藍紙樓上隱侯延良匹門楣瑞靄咸窺探
玉貌潘郎木天格登堂奇拜金花箋朱檠絳螭開
綺席堆盤肴核餐芳甘杯觴豪舉畧苛禮醞酬却
快騷人酣坐間催粧書麈句銀鈎細小如紅蠶歸
來邊鴻叫碧落連軒羽翮湖波涵蕙帳重春千百
載爲君一曲歌宜男

次韻吳譜四首

秋荷

零落殘紅慘一池霜莖無異綠蓑披風標公子休
輕啄不是亭亭玉立時

秋草

寒色淒然擁雁紗玉關幽咽正鳴笳霜楓葉染燒
痕赤活脫山城二月花

秋蕉

幾葉欹斜帶雨初漸看顚顚戰風餘臨池不足供
揮灑寒碧猶堪映讀書

秋柳

纖腰舞罷減芳姿不復顛狂似舊時日暮亂鴉衰
草陌西風蕭颯助酸悲

解嘲

日把一卷酣吾伊山妻笑我迂而癡竈突無煙困
無米便如珠玉難克飢我昔髫齡解磨韻浮名浪
博轟京師屈指還家三十載蝨書堆裏貪游嬉縱
然隻字煮不得聊可藉吐胸中奇對此軒窓好秋
色黃花百本開疎籬眼前景物不能寫頽唐恐被
陶翁嗤况接騷人共晨夕不親筆硯將何爲噫不

親筆硯將何爲

寶刀歌爲友人賦

新購寶刀來大食世無風胡誰更識黃金錯落蛟
螭形霜刃璀璨夫容色正逢海內息風塵常得舟
旋君子身彩繡五絲懸佩帶珍珠百絡伴垂紳吾
聞神物須經鍛鍊後洪爐紫煙射牛斗魑魅匿影
妖狐走干將莫邪相繼飛至今猶作雌雄吼

詠蘭

限張字

幽意耽空谷移根傍短牆柔牙爭比次細萼欲鋪
張可作騷人佩如含鄭國香悠然清詠發操縵寫

芥芳

贈隱者

環堵雖鄰小市頭伊人門巷自清幽半籬晚菊徵
高士一徑秋瓜識故侯屋矮恰宜青嶂合舸輕堪
與碧波浮何當塵俗都刪去來締盟如海上鷗

吟後放言

前夏跨衛來鄉問電火光陰二白餘深悔紅塵誤
插脚常時蘊結成癡愚延閣軒敞非宿昔牙籤石
硯拋牆隅別有父書廼手澤襲藏幾軸如連珠跡
弛兒孫翻几案零星散落堪長吁楮國管城復泯

滅殊敗人意懷難舒今秋忽爾動蚓竅惟恐習嬾
彌荒疎點檢奚囊澹生活重理故業勤居諸或詠
竹風或松月或吟黃菊或紅萸或聽嚕吟傳梵刹
或看蒼翠當蓬廬但知胸襟隨我吐遑顧兀兀窮
朝晡驥尾縱教快一展未敵此樂恣畋漁惜哉前
流不可作誰援巨斧芟榛蕪

讀晁无咎雞肋集口占

較勝馬卿四壁立寒花秋卉盈階植圖書擁坐如
周垣鞭策風騷廢寢食空堂甘守困鹽齏欲訴欲
泣俱不得一枝蘭茝筆艷雙眸幸藉調聲攄胸臆

不覺歷落藁成堆白州刺史都染黑世情物態供
陶甄意匠經營亦已極後人何必遜前流心血多
枯為雞肋

邑侯試童子有九月牡丹詩題槐邨擬作長
歌見示依韻和之

季商有底花東籬但餘菊楚楚臨階前雨灑猶澣
沐忽傳鼠姑開琴堂嬌紅嫩紫樓臺簇是日正當
課士時大書朱版懸題目童子紛負那解吟措意
匠心惟老宿冷艷無雙蓋似金秋香第一膚如玉
冷艷秋香俱秋牡丹慈君正氣百昌蕃詎比妖嬈媚花木若

非傅公

菊

耽隱逸幾同豔友

芍

藥稱臣僕河陽滿縣

種奇葩風流千載安仁獨帖括之餘更賦詩竹林
雅會今能續出示歌篇妙入神倒床下拜宜端肅
朗哦輒令睡魂消軟飽三杯還未足先生豈作潛
泥蛙似我真慙鍛翮鵠試看爾許詠花人爭得瑀
瑤嗣芳躅

贈杲衲

寶刹秋光滿菊莎幽探特為訪維摩華鯨不改前
朝韻玉果還存舊日柯佛几妙香清篆冷齋厨糜
粥綠菘和苦空膜拜皈龍象須懺浮生突吉羅

城南秋望

突兀城樓劇灑然郊坰彌望濶無邊
滌洄細水環祠宇斷續殘碑臥墓田
仄路馬嘶青草沒長空雁度白雲連
此身何必齊州外大蜀遙看一點煙

與清峙閒話

君家僕射目青睛識者以爲聰慧相
未聞兩耳生修毫竒姿乃見文壇將
齷齪兒曹難比倫錦心繡脰追前民
宿與王郎遜倡和刻章琢句歌陽春
慙我筆無扛鼎力正如寒蛩鳴唧唧
滿輪蟾彩照雲窓耽玩璫璵弗忍釋
琴馱古調尤稱竒王郎同我

亦賦之叩之有聲唳秋鶴冥搜天得非
人思朗誦浮詞若翻水那顧鼻哂颺糠粃
眼高譽言從不輕何以謬賞遂至此昔
君小憇菩提坊穿花躡月胡相羊遊履吟
毫懷盛事寧殊一夢炊黃梁

送又南應試

羨爾瑚璉質玉澤非凡姿故屬千里駒
而况相門兒行年甫弱冠問學親良師
與我小兒孫硯席同唔咿嘗觀日課篇
確切無浮詞廼肯勤砥礪上庠游何疑
可歎失顧復阿誰爲扶持夔殮每不繼
膏火恒欠虧槐堂有大母灑淚泣孤闈
今應童子試

沾沾掀雙眉且喜兒孫共幼穉咸稱奇我兒敢奢
望我孫寧遠期所願爾步武鵬翮飛從茲

書感

誤我浮生是一經鬢髮已星星未叨蒞榜書
黃甲幸免花名作白丁愁似寒蛩吟苦調癯如野
鶴落修翎孤懷莫怪常違俗世上誰人著眼青

懷昭時少叅塞外

西風落葉舞閒庭秋老懷人感易生四野亂雲埋
雁跡一天寒雨咽蛩聲尺書那得邊頭寄幽夢空
教枕上成遙度祈連戎幕裏蠻絃羗管不勝情

晚興

絲雨綿雲滿太虛形骸潦倒閉門居困囊不省愁
炊米几案惟知勇讀書陣黑寒鴉千點亂聲酣敗
葉一林疎閒拖屐齒糟邱內鄉入亡何任所如

同槐邨飲清峙齋限肝字

白板雙扉夜不關秋燈頻剪一追歡杯當促席分
深淺交以忘年出肺干蟾吐幽輝憑檻玩竹搖疎
影上牆看渴思吞海醺酣劇藉有烹來小鳳團

次韻槐邨夜過雪門居士草堂醉歌

雪門居士稱宿好白雪渾頭亦太蚤終年抱膝坐

幽齋朱墨讐書日課了庭前無數碧琅玕更有秋
英籬外繞琴床靜拂一爐煙屐齒閒拖三徑草客
至時飲亡何杯酒戶隨人介大小興酣弄筆寫烏
絲細字斜行雙目瞭滿林紅葉綴而飛幾點寒鴉
唳不炒我獨茫茫爲世累塵氛萬斛襟懷攪每欲
挈伴訪江東縷陳積愫歡傾倒值茲良夜足槃桓
新月如珪出樹杪且得賞花並哦詩聊借舒胸之
鬱抱未識岷源閣上翁可許荒詞入吟藁

次韻槐邨夜話

促坐書齋發興濃吟哦聲續課聲終安閒宦意原

知冷投老禪心已悟空白槿籬含深院月蒼苔徑
埽一天風不辭卜夜蘭膏繼何喜清煙吐玉蟲

白鸚鵡

海外家鄉路不窮清秋玉立歎飄蓬羽毛匹似凝
霜潔軀幹多緣啄雪豐雲母屏開棲處好水精簾
蔽望來空月明顧影難言訴只合思歸一夢中

綠牡丹

貴客曾從洛下夸瑤階苔蘚映奇葩侵淫螺筆工
描黛拂拭蘭膏澹點鴉密葉合依青玉案繡枝宜
護碧窓紗風來小院偏多韻仙珮珊珊萼綠華

與槐邨夜話

蠟炬釵蟲四面攢與君促席話更端心期用世朱
顏改皮相逢人白眼看書注禽魚工未竟力營昏
嫁債將完過從誰復論車笠吾道風霜閱歲寒

偶過準提禪院用贈杲衲韻示僧韓上人

為訪秋光踞淺莎室中禪喜得鳩摩蓮臺有佛能
安坐貝葉誰人敢伐柯

莽樹近被剪伐

茶淪五花松火沸

餅炙十字蔗餈和蹇衣殘堞憑高望木末鏗鐻出
步羅

己亥夏仲下榻斗冲書齋喜晤齊子一峰賡

爽昆玉有成即用案頭徐映薇先生集中晤

宗商邱韻

嗟予蒲柳資伊誰掛脣齒何幸來河濱晨昏接蘭
芷臭味劇相投寧與泛常比元方尊軒岐季方富
經史舌本從橫談歷歷如流水雙眼閱人多從未
見有此一榻聯幽軒情親膠漆似言每出肺干知
心即知己締交非偶然所貴慎終始啣杯須極歡
毋令別後悔

己亥季夏皋城徐乘菴茂才招飲南軒劇譚
試茗漫成五古用紀清歡

出門形影單最是得朋樂白眼每逢人所交殊落
落珂里喜頻來與君時把握風度儼神仙胸懷劇
洒脫縞紵豈尋常此中有天作君年甫三十干將
正露鍔文藝本家傳聲華擅臺閣宿老且服膺小
儒宜氣縮一朝鵬怒飛寧不驚鳩鶯邀我過高軒
探幽破窳冥座上無雜賓苛禮悉捐却品竹或彈
絲清歌還雅謔須臾出槃餐不豐亦不約只此逃
炎威勝於飲河朔當軒桂幾株枝朽相交錯滋培
好根芟佇看舒丹萼賞花憇花間不題快領略惜
哉人事牽難以及久羈縛行李一肩輕歸鞭又浪著

觸熱走塵埃匆匆類遊脚別後寄遐思秋鴻信可
托

五更起坐細閱新吟

鴿炭猶餘燼羊裘不耐寒霜華飛院白鐘韻逼燈
殘琢句拋心力烹茶沃肺干非緣詩作伴淒絕此
更闌

和槐邨冬意

已不愚頑世所捐况成老大益茫然有時對客歡
搖膝無句如人媿聳肩困空何來供鶴料囊虛難
辦買山錢疎櫺月暗風淒緊鴉噪須防作雪天

冬夜和槐邨韻

夢回依枕畔磨韻學山腔百色心能澹惟詩氣不
降寒風吹老屋斜月上幽窓一柝天街靜毋勞問
吠厖

冬夜遣懷

落魄還家冬復冬頭銜領得是詩翁鑽研不異藏
書蝨辛苦何如食蓼蟲月暈一層氈帳外梅開幾
朶膽瓶中客居爭及幽居好追悔從前蹋軟紅

夜坐斗室漫成示槐邨

何幸歸來守故棲茆檐竹屋坐癡迷魂遊蟻穴眠

孤榻月入鷺籠露半圭妨肘臂如焦子窄礙眉門
似庾公低先生莫漫嗤蠻觸別有乾坤藉品題

偶吟和槐邨

竹鑪篝火過頑冬虧煞江邊把釣翁展翮爭能如
塞雁埋頭徒自作衣蟲只知世路多艱險誰信人
生有厄窮高捲氈簾山色暗彌天寒雨落枯桐
養我山中草木年儘教霜雪鬢皤然將歌展抱憑
詩力以醉驅愁仗酒權冷竹數竿排砌下老梅幾
本列窓前回思偃蹇羈京國那易幽齋得自便

冬夜感懷

鬢髮雙鬢已全華抱膝尋思每自嗟小院風聲將
作雪虛窓燭淚浪生花功名徒手何能得歲月驚
心未許賒擊碎唾壺清歎發寒林蹴起夜烏譁

書齋漫興

夙興蝸室聳雙肩正是陰濃雨雪天但免寒衾過
永夜遑希飽飭度灾年學無用處羞先達命不逢
時讓後賢一事按頭差快意小紅梅放膽瓶鮮

憶昔效五仄五平體

憶昔住 帝國開筵當良辰客或酌數斗陶然舒
天真我亦見獵喜啣杯而忘頻一日一卜夜無時

無嘉賓井底轄已滿尊前情彌親顧謂後世士吾
何如陳遵此樂不可再悽然含酸辛

冬夜次槐邨韻

常自不平鳴皆緣百感生疎窓愁積雪寒榻怯深
更舌本難消渴胸中未解醒燈花虛報喜辜負太
多情

雪

急雪朝還暮同雲濕復低不愁員鏡暗湖凍唯恨翠
羸迷簷隙梅難放窓間鳥罷唬踵穿東郭履遮莫
溷塗泥

夜坐讀槐邨諸詩集漫成

火盡爐灰潑水涼青燈瓦注少輝光風掀雪片娑
娑舞月罩梅花冷澹香永夜無聊浮玉液新詩有
味敵瓊採識塗老馬猶思竄那便蒙頭入睡鄉

冬日偶吟

歲律崢嶸臍漸除漫天風雪蔽茆廬破裘蒙垢蘇
相似秃筆生花江弗如得爨感小賢守俸開槭歡
接故交書瓦鐺自煮床頭酒坐對檐梅一剪蔬

冬夜與槐邨小飲酒盡促沽用坡公韻戲投

依韻奉答

迷離管夜窓明同下疎簾坐舉觥漏永不知爐
火息空如對甌塵生香小餅茶融乳燭剪殘
燈蠟墜英須糝糟床千頃秫助君珽管硯田畊

夜聞雪聲

誰剪瑤花散滿空疎疎密密漫隨風如蠶食葉穿
窓罅似蟹行沙繞竹敲側聽暗堆千嶂白高歌冷
逼一燈紅今宵不作袁安卧蕉鹿何由入夢中

新霽

披裘日已上三竿寒谷温生頃刻間氷泮白添籬
脚水雪消青露屋頭山飛花樹樹融瓊屑溜雨絲

絲澣蘇斑炙背自刪新詠藁布帷高卷亦開顏

書屋雜興

蕭齋鎮日坐疎頑閒裏工夫未是閒
鑪拭橘皮添古色硯磨蕉葉透新斑
磁盆石點松篁畔木榻書雙漢魏間
自介俗腸清可療幽棲和雪揜栽關

雪晴書懷

芒屨筠竿不忍拋此身端合寄漁樵
閨年詩與黃楊退霽日愁隨白雪消
竹葉淒清留晚節梅花冷澹見孤標
脫衣換得南鄰酒為渥丹顏醉一瓢

登樓即事

憑高極望雪初晴杯把無何任醉醒
三尺細融留臍白一尖微露待春青
樓與蜀山相對詩瓢挂壁頻投句
劍匣橫窓特製銘坐擁煖爐嗤客過
衝泥屐齒未

曾停

歲暮

知非已過歎龍鍾鏡裏鬚蒼改舊容
旬日何堪經大雪一年又是度殘冬
忍飢乞米頻書帖耐冷尋梅獨倚筇
顛顛布裘鶉百結仙姿鶴鬣讓王恭

寄懷印浦先生揚州

煙水帆張十幅蒲定從白下入江都
悠揚蜨夢入

千里悽咽鴻聲天一隅衰柳隋堤飄雪否寒梅官
閣詠詩無懸知殘臘歸心急只恐冰封萬頃湖

次韻槐邨戲詠不倒翁

一笑相逢脅兩肩如癡如醉劇堪憐中虛外實徒
爲爾老學兒嬉恰宛然觴政何人容屈強賓筵惟
女善舟旋不甘坦腹將軍負縱道無私有後先

庚子試筆次韻復莽仲兄

昨宵送臆歸去矣陽迴大地逢三始人生百歲幾
今朝莫把鬚眉照杯裏形模雖老心尚童酒酣吟
興豪無比玉曆新開日建辰方知一龍治水耳兩

脚不躅軟紅塵雙眸不射西山紫願將此身歲歲
樂田園鋤經藝史還秉耒詩成疥僻記履端乃是
五十九年之庚子

續吳門舊游

昔邁浪作金閭游虎阜之下維孤舟澹沲春光刺
我眼朱紅粉白漫山頭翠黛嬋娟來寺裏摩肩接
袂紛如蟻管絃嘈襍少年顰鶯聲宛轉嬌無比山
門百級煩登梯花亞竹罨相高低層欄複閣儼圖
繪浮屠直矗青雲齊盤踞硯碗亦何大聽經點頭
無一個想爾生公說法初是間豈止千人坐可中

亭子架崇巔岩峽閭寂堪逃禪虛敞四顧欲誰語
老僧勸我嘗憇泉此泉琤琮巖竇沸餉餉尊者卓
錫致噴出驪珠萬顆員標題旁刻升卿字吁嗟闔
廬霸業隨飛灰空遺故壘傳蘇臺臺荒那見麋鹿
走晝靜惟有狐狸來五人墓與貞孃墓野蔓蒼藤
莫辨處苔碑插笏足摩挲俠氣芳名慰景慕辦香
更拜伍將軍古道陰房劇愴神回憶吳爭而越戰
靈旂髣髴懸胥門茲游屈指十餘載電抹光陰不
肯待他時如得重過勒貞珉須記歲在康熙之乙
亥

楚香亭集卷五



